

CONTINUATIO
PARTIS SECUNDÆ
RESOLUTIONUM

IN
UTROQUE IURE CONTROVERSARUM.

REMIGII MASCHAT

A S. ERASMO

ET

IOANNIS WALBRECHT

Es del Colegio de los
Angeles de
Salamanca.

COMPECTE

RESOLUTIONES AD TIT. I. DE VITA ET HONE-
STATE CLERIC. AC RELIQUOS LIBRI TERTII NEC
NON AD LIB. IV. ET V. DECRETALIUM

CUM EPITOME PROCESSUS CRIMINALIS REGULARIUM; AC INDICE
ALPHABETICO MATERIARUM.

SUPERIORUM PERMISSU.

AUGUSTÆ VINDELICORUM,

IMPENSIS MATTHÆI RIEGER BIBLIOPOLÆ. ANNO MDCCLXII.





RESOLUTIONES CANONICÆ

DISPUTATÆ

Ad Librum III. Decretalium.

Ad Tit. I. De vita, & honestate clericorum. Et Tit. II. De
cohabitatione clericorum, & mulier.

IOANN. RESOL. I. *Clericus debet abstinere ab intemperantia seu crapula, & ebrietate per c. 14. de vita & honest. cler. quia ebrietas mentis inducit exitium, & libidinis provocat incentivum, ut ibid. dicitur. Omniumque vitiorum fomes, ac nutrix est can. fin. d. 35. Similiter non debent clerici certe potando ad haustus aequales, ita, ut ille iudicio potatorum plus laudetur, qui plures inebriat & calices facundiores exhaurit; secus moniti a superiore, & non emendati, ab officio, & beneficio suo suspendendi sunt. Ibid. Ratio est: Quia per hoc læditur temperantia, offenduntur animi sæcularium & vilipenditur status clericalis.*

Obi. 1. Apostol. ad Coloss. 2. v. 16. inquit: Nemo vos iudicet in cibo, & potu; ergo ratione cibi, & potus tam

laici, quam clerici non possunt iudicari, conseq. nec puniti suspensione ab officio, & beneficio. 2. Matth. 15. v. 11. dicit Dominus: Quod intrat per os, non coinquinat animam; ergo si ex crapula, vel ebrietate non coinquatur anima, non potest clericus ob illam puniri. 3. In pluribus S. paginae locis habetur, ebrietatem per se non esse malam, ut patet ex illo Psalm 31. v. 9. Inebriabuntur ab ubertate domus tua; & ex Cantic. 5. v. 1. Comedite amici, bibite, & inebriamini; imo ebrietas quandoque expedit ad tollendum maerorem iuxta illud Proverb 31. v. 6. Date siceram mærentibus, & vinum bis, qui avaro sunt animo: bibant, & obliviscantur egestatis suæ, & doloris sui non recordentur amplius; quid quod vinum proffit ad acumen ingenii? ergo minus recte adeo severe prohibetur clericis ebrie.

ebrietas. 4. can. 9. d. 44. PP. Concilii Nanetens. statuunt clericos ad collationem accedere debere, & ad calcem textus subdunt: *Et ideo peccatis omnibus, qui voluerint, cenam cum charitate in domo fratris sui simul cum fratribus, & singuli singulos bibere faciant & maxime ultra tertiam vicem poculum non contingant*; ergo possunt clerici se invicem ad bibendum invitare, & usque ad tertiam vicem poculum sumere. §. c. 12. de Accusat. agitur de clerico ebrioso, qui in taberna pernoctavit, & sequenti die, nulla præmissa dormitione, Missam cantavit, & deciditur a Pontifice, ut, si ecclesiam in commendam tantum habuit, Episcopus ei perpetuum imponat silentium; si vero eam in titulum obtinuit, & non fecit convictus de aliquo alio crimine, ob quod beneficio sit privandus, ecclesiam ipsam ei restituat, illamque pacifice retinere faciat; ergo clericus ebriosus, & vinolentus, nec præmissa monitione desistens, non est suspendendus ab officio, & beneficio.

R. Ad 1. Apostolum in cit. textu non improbare sobrietatem, aut ieiunia, ab ecclesia indicta, ad edomandam carnis petulantiam, multo minus velle innuere, quod ob nimiam bibacitatem, & ingurgitationem usque ad ebrietatem clericus iudicari, & puniri nequeat; sed impugnat solum Iudæorum abstinentiam, qui certis cibis nunquam utebantur, eo quod secundum præcepta ceremonialia legis veteris essent immundi secundum naturam suam, eosque im-

mundos redderent. Ad 2. R. cum S. D. 2. 2. q. 148. a. 1. ad 1. Dominum ibi impugnare Iudæos, qui existimabant, quod aliqui cibi eos immundos redderent, non propter figuram, sed propter propriam naturam, & contra hos dicit id, quod intrat in hominem per modum cibi, secundum substantiam, & naturam non coinquinare hominem spiritualiter; inordinata autem cibi, & potus concupiscentia certe coinquinat hominem spiritualiter. Ad 3. N. A. In cit. textibus ebrietas, & inebriatio non sumitur pro nimia bibacitate, & ingurgitatione usque ad ebrietatem, prout in præsentem accipimus, sed pro saturitate & plenitudine spirituali, aut temporali, ut observat S. August. 9. 144. in Genes. Ad 1mo R. modicum, & temperatum usum vini prodesse ad mœrorem tollendum, & acuendum ingenium, non vero ingurgitationem usque ad ebrietatem, quæ mentis exilium inducit & plurima mala causat. Ad 4. PP. cit. Concilii permittunt clericis se invicem invitare ad moderate tamen, & temperate bibendum & ideo caute aiunt, *ne ultra tertiam vicem poculum contingant*, qui numerus est temperatorum. Ad 5. In cit. c. 12. agebatur de suspensione perpetua clerici ab officio, & beneficio, seu de privatione perpetua beneficii, & ideo recte deciditur, quod clericus etsi vinolentus, nisi vincatur de alio crimine, quod mercatur privationem perpetuam beneficii, non debeat beneficio, quod in titulum possidebat, perpetuo spoliari; nobis autem hic sermo est de suspensione temporanea.



AUCTARIUM

CONTINENS

EPITOMEN

PROCESSUS CRIMINALIS SUMMARI
REGULARIBUS USITATI

AUCTORE

P. REMIGIO MASCHAT A S. ERASMO

E SCHOLIS PIIS.

Plenam processus iudicarii doctrinam, quæ haurienda est ex libr. II. & V. Decretal. non intendo hic tradere, sed ea, quæ frequentius occurrunt in iudiciis Regularium, summaria methodo complectar. Sit

§. I.

De natura, & usu iudicii summarii.

1. Q. I. Quid sit iudicium summarium? R. esse illud, in quo proceditur

absque solennitatibus iuris, sola rei veritate attendita. Et per hoc differt a iudicio plenario, seu ordinario, in quo ad unquam observari debent omnes solennitates ordinis iudicarii. Hinc procedere summarie idem est, ac procedere absque strepitu, & figura iudiciz, simpliciter, ac de plano, sine subtilitatibus, & apicibus iuris, modo serventur ea, quæ ad veritatem, & iustitiam iudicii desiderantur.

O o o o o 3

2. Q.